


# surat popular

## la'o hamutuk



institutu ba analiza no monitor rekonstrusaun timor loro sa'e

## Mikrofinansas



### Saida mak Mikrofinansas?

Mikrofinansas katak impresta osan, hanesan ita impresta osan husi ita nia familia ka kolega sira. Ema bele impresta osan iha organisasaun mikrofinansas no mos bele rai osan. Bele impresta osan iha Dili no bele impresta osan iha distrito. Mikrofinansas prosesu halo ema atu dezenvolve mesak.

Ema hotu-hotu bele impresta osan. Maibe organisasaun mikrofinansas buka atu fo impresta osan ba ema nebe mak kiak no normalmente feto ladun hetan aksesu atu bele impresta osan. Organisasaun mikrofinansas mak sei decide ka konkorda atu fo impresta osan. Dala-ruma ema individu mak impresta osan dala-ruma mos ema grupo mak impresta osan. Se grupo mak impresta osan, ema sira ne'e hotu iha responsabilidade hanesan hodi fo fali osan.

Funksaun organisasaun mikrofinansas lahanesan no funsaun banku nian, tanba organisasaun ne'e servisu la'os atu rai osan maibe atu fo impresta osan ba komunidadade.


1



Ema mai impresta osan husi organisasaun mikrofinansas.




Organisasaun mikrofinansas fo osan nebe'e tenke fo fila fali, karik semana-semana ka fulan-fulan. Ema tenke fo fali osan hotu iha tempu badak, hanesan fulan tolu, entaun ba ema balu difisil atu fo fali osan. Maibe ema balu bele se karik sira nebe'e bele selu hakarak kontinua impresta osan, sira sei hetan impresta barak liu tan.




Sira tenke fo fali osan ba

4

# 2



Em a impresta osan atu ajuda hadia sira nia moris, hanesan halo ka loke bisnis ba sira nia a'an rasik. Normalmente, ema bele impresta osan ba fulan tolu maibe ne hotu tenke fo fila fali ba organisasaun ho selu nia funan barak.



Osan nebe'e impresta husi organisasaun mikrofinansas dala ruma bele fo mudansa ba ema nia moris. Maibe dala ruma mos la ajuda ema atu bele hadia sira nia moris, tanba situasaun ka kondisaun nebe'e ladun diak ba sira, ezemplu bisnis nebe'e sira loke kuaze hanesan no barak liu, entaun la fo benefisio barak ba sira.

# 3

## Saida mak diak no la diak husi impresta osan?

Tuir sira nia hanoin, ema bele impresta osan atu dezenvolve mesak. Mikrofinansas bele ajuda ema atu hadia, habo'ot, haburas, dezenvolve sira nia negosiu atu hadia sira nia moris. Ema bele hahu negosiu hanesan kios no suku ropa. Ema bele uza osan atu hadia sira nia moris no sira nia familia nia moris.



Maibe dala-ruma ema tenke uza osan ba sosa hahan ka fo ba debe. Entaun ema labele uza osan atu investe iha negosiu. Ne'e problema tanba ema labele fo fali osan. Dala-ruma ema mos uza osan la diak hanesan joga karta ka futu-manu. Ema sira nebe'e impresta osan husi organisasaun mikrofinansas tenke fo fali funan barak, entaun difisil atu fo fali osan sei situasaun la diak. Ezemplu, se ema hahu negosiu presiza ema nebe hola sasan. Se ema la hola sasan difisil atu fo fali osan. Ida ne'e difisil atu hadia sira nia moris.



### Perguntas:

- Oinsa ita uza osan atu hadia ita nia moris?
- Impresta osan husi organisasaun mikrofinansas diak liu ka, impresta osan husi ita nia familia ka kolega sira mak diak liu?
- Impresta osan husi organisasaun mikrofinansas mak diak liu ka sistema tradisional nebe ita uza durante ne'e mak diak liu?